

মালসা-ভোগ

(পূর্ব অপ্রকাশিতের পর)

—নং পার্ক ষ্ট্রীট্ । ছোট বাড়ীখানি ! সদর দরজা হ'তে বৈঠকখানা পর্যন্ত একটা লাল স্মর্কিটাল পথ । দুপাশে দেশী বিলাতি নানান রকম ফুল ও ফলের গাছ । ঈশান কোণে গোলাপঝাড়টার কাছে মুখোমুখী ব'সে আছে এক ময়ূর-দম্পতী । পশ্চিম দিকের হেনাবনের আড়াল থেকে মাঝে মাঝে বঙ্কার উঠছে—কক্ককোরররর কোঁ । বৈঠকখানায় উঠতে বাঁ দিকে — একটা সোখীন তারের খাঁচায় বসন্ত-সখা হিন্দোল আলাপ করছে । সদর দরজার দুপাশে দুটো মার্বেল পাথরের ট্যাব্লেট ; একটায় লেখা Br. V., আর একটায় The Hermitage.

গৃহস্থামী পায়চারী ক'রছেন লাল রাস্তাটার ওপর । পরণে একটা ঢিলা পায়জামা । গায়ে আলখাল্লা । দুইই চকোলেট ব্রাউন । পায়ে ক্রোম্ লেদারের খড়ম । চেহারাটী দোহারা । বর্ণ গৌর ! অর্ধ ফ্রিঞ্চকাট্ দাড়ী । বাবরী চুল । • দুইই কলপ কৃষ্ণ ।

সন্ধ্যা তখনো হয় নাই ; তবে 'দেরীও নাই । বাড়ীর সামনে নামূল একখানা এ্যারোপ্লেন্ । রথ হ'তে বেরিয়ে এ'লেন এক খর্বকায় rejuvenated বৃদ্ধ । নাকের ওপর উৎকৃষ্ট ব্রেজিল পাথরের চশ্মা । গায়ে সিল্কের নামাবলী । হাতে একখানি ব্যাঞ্জো ।

আগন্তুককে দে'খে গৃহস্থামী চৈঁচিয়ে উঠলেন, “Hallo ! রেভারেণ্ড্, ঞ্চারড্, যে !”

“Good evening, Brother Valmiki,” ব'লে ঞ্চারড্, চট্,পট্ এসেই ভ্যাল্মীকির পাণি পৌড়ন ক'রলেন ।

শ্যারড্ ব'সলেন দৰ্ভগৰ্ভিত Cushionটায় ; ভ্যাল্মীকি, চন্দন কাষ্ঠের Easy Chairএ ।

একটু পরে জববরানন্দস্বামী হাজির হ'লেন সোমরসভাবিত দু'পায়ালা Coffee নিয়ে । তা'র সঙ্গে এ'ল দু'ডিশ্ বন্যকুকুটের Curry আর মহাপ্রাচ্য অন্নশালার (Great Eastern Hotel) Untouched-by-hand পিষ্টক ।

Curryর কাই-চর্চিত একখণ্ড পিষ্টক চর্বণ ক'রতে ক'রতে অপূর্ব মুখভঙ্গী সহকারে শ্যারড্ ব'ল্লেন, “উঃ ! কি দুঃখের দিনই গিয়েছে ! শুদ্ধ ফল, মূল আর পাতা, পাতা, মূল আর ফল । একটুও Vitamin পেটে পড়ত না !” তারপর কফীর একচুমুক টে'নে আবার ব'লতে লাগলেন, “আপনার শিষ্য ভরদ্বাজ সোমরস-preparationএ specialist ছিলেন । তমসাতীরের আশ্রমে তা'ও খেয়েছি, আর এ'ও—এর flavour কত ! সেকাল আর একাল কত তফাৎ !”

ভ্যাল্মীকি একটু হে'সে ব'ল্লেন, “ত্রেতার সেই ভরদ্বাজই ত আমার এই জববরানন্দ ।”

শ্যারড্ আশ্চর্য্য হ'য়ে ব'ল্লেন, “বলেন কি !”

তারপর শ্যারড্ আগ্রহসহকারে কুকুটের একখানি শ্রীচরণ শ্রীমুখে প্রবেশ করিয়ে দিলেন ; কিন্তু স্তবিধা ক'রতে না পে'রে ব'ল্লেন, “এখানে সব চেয়ে ভাল দাঁত বাঁধায় কোন্ কোম্পানি আপনার জানা আছে ?”

ভ্যাল্মীকি কোন উত্তর না দিয়ে মুখের মধ্যে দিলেন আঙুল পুরে ; অমনি খস্ ক'রে প'ড়ল হাতের তালুতে দু'পাটি কুন্দধবল দন্ত । সঙ্গে সঙ্গে গাল দুটো গেল তুবড়ে ।

শ্যারড্ হাসতে হাসতে ব'ল্লেন, “আপনিও, ওরনামকি, Case in apposition with me ?”

ঠিক হ'য়ে গেল কা'ল মধ্যাহ্ন-ভোজনের পর দুজনে যাবেন
গোহা এগু কোং এর দোকানে ।

মধ্য পার্বণ

এক সপ্তাহ কে'টে গিয়েছে । গ্যারড্ এ' ক'দিন শুঁকু ঘুরেছেন
—ভিক্টোরিয়া মেমোরিয়েল,, ইডেনগার্ডেন, টাঁকশাল, আলিপুর-
শিবপুর-খিদিরপুর, ষাছুঘর, C. S. P. C. A., রাজেন মল্লিকের
বাড়া, সী'দুরেপটী-সুতোপটী-লোহাপটী, চোরবাগান-হাতীবাগান-হরীতকী
বাগান, কলুটোলা-বেনেটোলা-শাঁখারীটোলা, শ্যামপুকুর-পদ্মপুকুর-
কাঁটাপুকুর, নেবুতলা-গেঁড়াতলা-চাঁপাতলা, . উন্টেডাঙ্গা-ঘুঘুডাঙ্গা-
চুরোডাঙ্গা, বেলেঘাটা-পাখুরেঘাটা-চিঙ্ ডিঘাটা, আরও কত জায়গায় ।
কা'ল গিয়েছিলেন নাট্যমন্দিরে 'দিগ্বিজয়ী' দেখতে । তা'রি বর্ণনা
হ'চ্ছিল । সকালবেলা । প্রাতরাশ হ'য়ে গিয়েছে । দুজনেরই মুখে
ছিল ব্রহ্মদেশী চুরুট্ । রাশি রাশি ধোঁয়া বেরিয়ে রহস্যময় অধ্যাত্ম-
লোকের সৃষ্টি হচ্ছিল । এইখানে অবাস্তুর হ'লেও একটা কথা
জানিয়ে রাখা ভাল । নিরামিষারণো নিখিলবিশ্বধর্মকংগরসে ব্যাক্ত্রিশ্রবা-
গুনি ত্রাত্তকূটের ত্রিনীতি (Trinity) তত্ত্ব বা Tripartite
Divinity সম্বন্ধে যে Speech দিয়েছিলেন, তা'র ফলে স্বর্গে
ও নরকে সবজায়গাতেই নশ্র, পোড়া, সজল ধূম, রুদ্ধ ধূম
গত্যাদিক্রমে এই পরাবিচার অনুশীলন আরম্ভ হ'য়েছে । প্রমাণ
হ'য়ে গিয়েছে যে মুক্তির এই একমাত্র পথ—নাশ্রঃ পন্থা বিজ্ঞতে
শ্রয়নায় ।

এইবার আসল কথা । নাদির সার ভূমিকায় শিশির-বাবুর
গাণনয় গ্যারডের বড় ভাল লে'গেছে । নাদির সা'র আধ্যাত্মিক
গুণটা জানতে তাঁর ভারী ইচ্ছা হ'য়েছে ।

ভ্যাল্মীকি ব'ল্লেন, “আদৌ তৎ-পাদপদ্মেষু ভক্ত্যা গ্ৰারড্ নমস্করু !

‘ততস্তত্ত্বমদিরাং পাস্তত্ত্বসি পরয়া মুদা ॥”

গ্ৰারড্ ব'ল্লেন, “কস্মাদ্ভেতোঃ ?”

ভ্যাল্মীকি ব'ল্লেন, “He is a মহামানবঃ । He is a god.”

গ্ৰারড্ ভক্তিভরে মাথা নত ক'রলেন ।

ভ্যাল্মীকি ব'ল্লেন, “শ্রুয়তাম্ । নাদিরসা হিন্দুচুড়ামণি ।
ভারতে এ'সেছিলেন ‘বিনাশায় চ দুষ্কৃতাম্’ । মোঘ কিনা ব্যর্থ,
তাহ'লেই হ'ল পাপ, তা'কে ‘লাতি’ কিনা রক্ষা করে যে সে হল
মোঘল (Moghul) । এই পাপী মোঘলকে শাস্তি দিয়ে, “অভু-
খানমধর্ম্মশ্চ” নিবারণ ক'রে ময়ূর-সিংহাসন নামে একটা পবিত্র
সিংহাসন নিয়ে তিনি চ'লে যান বিষ্ণু প্রতিষ্ঠা ক'রবেন ব'লে ।
এইবার তাঁর নামটী । ‘নদ্’ ধাতুর উত্তর ‘ঘণুন্’ প্রত্যয় ক'রে
হ'ল ‘নাদিন্’ । প্রথমার একবচনে ‘নাদী’ । নাদী এমন যে রস
ইতি নাদিরস অর্থাৎ গর্জ্জনকারী রস । শেষের ‘আ’ ‘ছন্দসি বহুলম্’
ইতি পাণিনিঃ । রস মানে যে আত্মা সে কথা ‘সাহিত্যদর্পণ’
খুলেই বলেছে । আবার “নায়মাত্মা বহুত্বেন লভ্যঃ” ইতি
উপনিষৎ । স্মতরাং দেখা যাচ্ছে লোকটা খুবই বলবান্ ছিলেন ।
আবার যে দেশে তাঁ'র বাড়ী, তা'র নাম পারসিয়া অর্থাৎ যা'র
পা পর্য্যন্ত রসী কিনা আত্মবান্ । পদান্ত ‘ঈ’ কে ‘য়া’ ক'রেই
উচ্চারণ করা পশ্চিম দেশের কেতা, যথা গির্ধরিয়া (গিরিধারী) ।”

ভ্যাল্মীকি চুপ ক'রলেন । গ্ৰারডের চোখ রাজা ও সজল হ'য়ে
উঠল । মিনিট দুই pin-drop silence. তারপর গ্ৰারড্
বল্লেন, আজই রাত্রে তাহ'লে Wilson এর Hotel এ যাওয়া
স্থির । আহা তীর্থ ! আপনার জীবন ধন্য যে ওখানে বহুবার
আপনি মহাপ্রসাদ পে'য়ে এ'সেছেন ।

ভ্যাল্মীকি সোৎসাহে বল্লেন, “কি বল্ব রেভারেণ্ড্‌ গ্যারড্‌, এখানে ঢুকলেই আমার কেমন যেন—কেমন যেন—ঠিক প্রকাশ ক’রে ব’লতে পারছি না—অনেকটা যেন সম্প্র—

গ্যারড্‌ বাকীটুকু পূরণ ক’রে দিলেন, “সম্প্রজ্ঞাত সমাধি” ।

ভ্যাল্মীকি সোৎসাহে ব’ল্লেন, “ঠিক ব’লেছেন । ‘এক প্রসাদের স্নাদ আর আমি যে ভোক্তা এ ছাড়া অন্য কোনো জ্ঞান থাকে না’ ।

গ্যারড্‌ ব’ল্লেন, “হবে না ? *Will + Son কিনা ইচ্ছাপুত্র । Will মানেই Absolute Will. জার্মান দার্শনিক Schopenhauer কি ব’লেছেন ? ভগবানের Willই রূপ নিয়েছে সৃষ্টিতে । তা’র ছেলে ; তাই’লেই হ’ল ঈশ্বরের মানস পুত্র । আহা হা !

ইঠাৎ গ্যারডের চোখ দুটো উল্টে গেল ! মুখখানা হ’য়ে গেল সাদা ! সারা দেহটা ঠক্‌ঠক্‌ ক’রে কাঁপতে লাগল ! লোমগুলো খাড়া হ’য়ে উঠল ; লোমকূপগুলো ভয়ে গেল হাঁ ! দরদর ক’রে ঘাম বেরুতে লাগল । ভ্যাল্মীকির Sympathetic Nerve গুলো সঙ্গে সঙ্গে সাড়া দিলে ! তিনিও বদন ব্যাদান ক’রলেন ! দাঁত-গুলো সব পর্দাছেঁড়া বিদ্রোহী নারীর মতন যুক্তির আনন্দে যেন অট্টহাস শুরু ক’রে দিলে ! ডাক্তারবাঘুরা হয়ত বলবেন Hysteria ; কিন্তু তা নয়, সমাধি,—Trance. দুজনেরই গলাথেকে বেরুতে লাগল ক্রুর শ্লেষ্মার বাধাভেঙে-আসা বিকট ঘরর্‌র্‌ ঘরর্‌র্‌ গর্জ্জন ।

জববরানন্দ স্বামী ছুটে এ’লেন । Sympathetically তাঁরও শরীরে লাগল একটা Electric Shock. সামলে নিয়ে বিকট কণ্ঠে চৈচিয়ে উঠলেন, “ওং ট্যাট্‌ ছ্যাট্‌ ওং । স্মার্টিঃ ! স্মার্টিঃ ! স্মার্টিঃ !”

* একটি ।, লোপ পে’রেছে ; প্রমাণ—“বর্ণলোপাৎ পৃষো দরম্” ।

দুজনে যেন, Hypnotic torpor থেকে জেগে উঠলেন।
পরস্পরের মুখে বোকার মত চাইতে লাগলেন।

উপান্ত পার্কিং

দিন চার পরে দুজনে মোটরে বেরলেন হাওয়া খেতে।
কিছুক্ষণ ঘুরে বসলেন অনুমেণ্টের দক্ষিণে ঘাসের ওপর।
গাড়ীখানা ছিল Taxi. তাকে বিদেয় করা হ'লো। ভ্যাল্মীকি
প্রস্তাব করেছিলেন এ্যারোপ্লেন; ঞ্চারডের সখ হয়েছিল মোটর।

সন্ধ্যা তখন ঘনিয়ে এসেছে। বিখ্যাত South Calcutta
বায়স-সম্প্রদায়ের Concert প্রায় শেষ হয়ে এসেছে। যে
যায়গাটিতে দুজনে আসন পরিগ্রহ করলেন, তার অনতিদূরে
বসেছিলেন তিনটি নবীনা তরুণী, বাঙালিনী। এই কিস্তৃতকিমাকার
জীব দুটিকে দেখে তরুণীত্রয় বেশ একটু কৌতুক অনুভব করতে
লাগলেন! ইসারায়, চাপাগলায়, কলহাস্তে, চড়াআওয়াজে নানান-
রকমে তাঁদের প্রাণে যে অপূর্ব ভাব জাগছিল, তার অভিব্যক্তি
করতে লাগলেন। ঞ্চারডের ততটা খেয়াল ছিল না; কবি
ভ্যাল্মীকির কিস্তি গোড়াথেকেই ওদিকে নজর পড়েছিল, এবং
ঞারোডের কথায় আনমনা হয়ে মাঝে মাঝে দুই একটা অসং-
লগ্ন 'হু' দিয়ে কান দুটিকে এবং ফাঁকে ফাঁকে চোখ দুটিকে
তরুণীদের পানে বেশ সজাগ করে রেখেছিলেন। হটাৎ তাঁর মুখ
থেকে বেরিয়ে গেল

—অঁধারে ধরণীর মুখানি আবরিয়া নীধবে নেমে আসে ধূসর সন্ধ্যা,
সে ঘন তমসার আড়ালে চুপে চুপে পুলকে ফুটে ওঠে রজনী-গন্ধা!
আকাশে তুলি' শির দাঁড়িয়ে আছে বীর পাষণ হিমাচল কঠোর নিষ্ঠুর,
গোপন বুকে তার নাচিছে অনিবার প্রেমের শতধার পুলকে ভ'রপুর!

ব্যাক্সোথানি Permanent Epithet এর মতন আরোডে চিরসার্থী। Unconsciously তাঁর আঙ্গুল পড়লো তারে আর সঙ্গে সঙ্গে বেজে উঠলো একটা লীলায়িত সুর। ভ্যাল্মীকিও অমনি ইমন কল্যাণে ধরে দিলেন—

—আঁ াঁ াঁ াঁ াঁ ধা—

ভ্যাল্মীকি গাইছেন, আরড্ ক'রছেন follow —মণিকাঞ্চন যোগ!

তরুণীত্রয় এগিয়ে এ'সে বলছেন। মুখে কথাটা নেই, চোখের পলক নেই। তিনজনার মুখ হাঁ হ'য়ে গিয়েছে। শুধু মাঝে মাঝে সারা দেহটার ওপর দিয়ে ব'য়ে যাচ্ছে একটা শিহরণ।

• গান থামল অনেকক্ষণ পরে। তরুণীদের মধ্যে একজন ভ্যাল্মীকির হাতধ'রে আকুলকণ্ঠে ব'লে উঠলেন, “I love you, Oh ! I love you !”

ভ্যাল্মীকিও আকুল আগ্রহে তরুণীর পাণিপীড়ন-পূর্বক ব'ললেন “I, too, my green dearie !”

ওদিকে ইতিমধ্যে দ্বিতীয়া তরুণী আরডের ওস্তাদিতে মুগ্ধ হ'য়ে তাঁর হাতে অঙ্গসমর্পণ ক'রে ফেলেছেন।

তৃতীয়া একটু বেশী ভাবুকা। প্রত্যক্ষ তিনি কি একটা যেন নেশার ঘোরে, একটা যেন—একটা যেন ইয়েতে আপনহারা হ'য়ে গিয়েছিলেন। কতকটা সা'ম্লে উঠেই সজল চোখে ধরা গলায় বলতে লাগলেন, “And I, I, I have loved both of you ! But, Oh ! but, alas ! but—”

কপাটা আর শেষ হ'ল না। ভাবাবেশে তাঁর fit হ'য়ে গেল। প্রথমে নিবাতনিষ্কম্প, পরে Convulsion ! আরড্ ব্যস্ত হয়ে পড়লেন। ভ্যাল্মীকি ছটফট ক'রতে লাগলেন। ‘জল’, ‘পাখা,’

,পয়সা', 'বরফ', 'কি সর্বনাশ!' 'উপায়?' 'উঃ!' 'ওঃ!' 'আহ্‌হা' ! 'এহ্‌হো!' 'ওহ্‌হো!' মিলে একটা Babylonish Jargon এর সৃষ্টি হ'য়ে গেল! হঠাৎ এ'সে প'ড়ল একখানা এ্যাম্বুলান্স। তরুনীকে নিয়ে চ'লে গেল শম্ভুনাথ পণ্ডিতের হাঁসপাতালে।

ভোরের একটু আগেই তাঁর মৃত্যু হ'য়ে গেল। ডাক্তারদের কেউ দ'ল্লেন, 'Heart-failure', 'কেউ ব'ল্লেন, 'Compound Fracture of the Optic Thalami.' Amoroologyতে যাঁরা Specialist তাঁদের Opinion—'Blood Conjestion either in the Pineal gland or in 'the Medulla Oblongata.' মোটের ওপর ব্যারামটা Psycho-neurotic.

ভ্যাল্মীকি ভাব্লেন একটা কবিতা লিখবেন; হ্যারড্‌ মনে ক'র্লেন একখানা বেহাগ আলাপ ক'রবেন। বিশেষ কারণে তা' আর হ'য়ে উঠল না।

অন্ত পার্বণ

বিবাহ হ'য়ে গিয়েছে, গান্ধর্ব্বমতে। ঋষিদ্বয় দেখ্লেন অর্দ্ধাঙ্গিনী-দের যদি পাশ্চাত্যকেতায় Mrs. Valmiki বা Mrs. Narod ব'লে ডাকা যায়, শুন্তে ভাল লাগে না, Musical হয় না। কাজেই অর্য্য শাস্ত্রানুসারে তাঁদের আসল নামই বজায় রা'খ্লেন; শুধু Jordon এর জলে ডুবিয়ে একটু শুদ্ধি দিয়ে নিলেন এই মাত্র। ভ্যাল্মীকি-জায়া 'লীলা' হ'লেন Lily (লিলি); আর হ্যারড্‌পত্নী 'অমলা' হ'লেন Emily।

বৈশাখের 'নওরোজ' পত্রিকায় বেরুল একখানা গজল গান। তা'র নীচে লেখা—

কথা—শ্রীমতী Emily দেবী। সুর—সোরিমিঞা।

স্মারড্‌ ইচ্ছে ক'রেই নাম গোপন ক'রেছেন। সঙ্গীতরাজ্যে একটা মাড়া প'ড়ে গেল। সবাই জানতে চায় এ ছুটি কে। প্রদীপ রায় সম্পাদককে লিখলেন সোরিমিঞাটী কে জানালে তিনি কৃতার্থ হবেন। ওদিকে কবি ও গজল লেখক মজ্‌গুল ইস্‌লাম প্রতিজ্ঞা ক'রলেন—গজল লেখা তিনি ছেড়েই দেবেন; অন্ততঃ বছর দুই Emily দেবীর সাক্ষরদৌ ক'রে তবে কলম ধরতে চেষ্টা করবেন। সম্পাদকের কাছে ঠিকানা নিয়ে প্রদীপবাবু—নং নেবুতলায় গিয়ে দেখেন যে সে একটা উড়িয়া-পটী, জন পনর বোল 'ধেই-কিনাগড়া' সস্ত্রীক সেখানে বাস করে। হতাশ হ'য়ে ফিরে এ'লেন। মজ্‌গুল এত সহজে ছাড়বার পাত্র নন। তাঁর মনে হ'ল এদেরই মধ্যে কেউ Emily, ছদ্মবেশে আছেন। C. I. D.র মতন তিনি জেরা আরম্ভ করলেন। শেষে 'মাড়িকিড়ি পকাই' দেবার লক্ষণ দেখে অগত্যা ফিরলেন।

ঐ মাসেরই 'হিল্লোলে' বেকুল ভ্যাল্মীকির কবিতা “মিলন-মাধুরী”; আর Lilyর কথিকা 'স্বপন-পুরী'। যে কারণে স্মারড্‌ হ'য়েছেন 'সোরিমিঞা', সেই কারণেই ভ্যাল্মীকি হ'লেন 'জালালী-রুমী'। 'জালালী রুমীর, কবিতা প্রকাশিত হওয়ার পর কলকাতায় গুজব র'টে গেল রবীন্দ্রনাথ বানপ্রস্থের আয়োজন ক'রছেন। ওদিকে Lilyর 'স্বপনপুরী' প'ড়ে শরৎবাবুর Insomnia আর Hypochondria হ'য়ে গিয়েছে। Psychology of youthকে এমন উলঙ্গ সৌন্দর্য্যে ফুটিয়ে তুলতে কেউ পারে নাই, কোনো দেশে না।

একদিকে 'কথা ও স্মর,' অন্যদিকে কবিতা ও কথিকা মাসের পর মাস বেরুতে লাগল। শনিবারের চিঠি বালকসুলভ চপলতা বশতঃ প্রথম প্রথম দু'চারটে Quotation, এবং Parody বার

ক'রে শেষে যখন, বুঝল, 'obscene is a word found in the dictionary of the fools,' তখন প্রতিজ্ঞা করল মণিমুক্তা ত উঠিয়ে দিতেই হবে, তা ছাড়া এদের কাছে দীক্ষা নিতে হবে। বাঙলা সাহিত্যের ইতিহাসে এই যে নবযুগের প্রবর্তন হ'ল, কেউ বললেন এর নাম Fermentic Age; কেউ বললেন Adam-Evian. কেউ বা বললেন এর নাম হয় না কারণ নাম দিতে গেলেই তিনিষটা সীমাবদ্ধ হ'য়ে যাবে। দুনিয়ার সব ভাষাতেই গান কবিতা কথিকা গুলির অনুবাদ হ'তে লাগল। Sweden Nobel Prize ঘোষণা ক'রল। কিন্তু লেখক লেখিকার পাত্তা মিলল না ব'লে, তাঁদের স্বপন-মুরতির উদ্দেশ্যেই উৎসর্গ ক'রে টাকাটা কোনো সামাজিক কাজে লাগিয়ে ফেললে। দেশ-বিদেশের আবাল বৃদ্ধ বনিতা সকলের মুখে শুধু 'উঃ কি লেখা! আঃ কি Conception !!, ওঃ কি plot !!! এঃ কি ই'য়ে !! রবিঠাকুরকে সব ভুলে গেল। হিন্দুস্থানীরা শরৎচাট্টোয় 'বিরাজ বহু' প্রভৃতি যে কথানা অনুবাদ ক'রেছিল, একদিন Bonfire ক'রে সব পুড়িয়ে দিলে। বাঙলা দেশটা Sea-level হতে উন্নততাশ কোটি মাইল ওপরে উঠে গেল! 'হিল্লোলে'র সম্পাদকের কাছে একখানা চিঠি এল। তাতে লেখা—“We hereby dedicate our occidental selves to the feet of Bengal—to the feet of those that are the embodiments of the Spirit Primitive of Creation, that are—that are—that are—oh! if we could only say what!” নাম সই ক'রেছেন (among others) বার্নার্ডশ, বেনেট, বেন্সন, বিয়ান্সন, শিকফ, ইব্সেন, গোর্কি, ডস্টয়েফ্‌স্কী, ওপেন্‌ হাইম, কোনান্‌ ডয়েল, ওয়েল্‌স্ ও ফটাকপুল। ওদিকে 'নওরোজা'র সম্পাদক এক চিঠি পেলেন Le Societie de

Musik, Paris এর President এর কাছ থেকে। তার ভাবার্থ হচ্ছে—সোরিমিঞার Notation এর প্রকৃতি International. ওতে ওঠানামা, চুপ, হুঙ্কার, তন্দ্রা, নয়ননিমীলন, অক্ষিবিষ্ফোটন, অপাঙ্গ-ক্ষেপণ, Convulsion, fit প্রভৃতি সমস্ত অবস্থাগুলির সমন্বয় থাকায় চীন থেকে আরম্ভ ক'রে বিশ্বের যে কোনো জাতি ওটি আপনার ব'লে গ্রহণ করতে পারবে। আর Emily দেবীর কথাই ওরকম Notation এর একমাত্র যোগ্য। আর কেউ এমনটা পারবে না।

অধ্যাপক—শ্রীশ্যামাপদ চক্রবর্তী, এম-এ,
বিদ্যারত্ন, সাহিত্যভূষণ।

বাংলায় বিলাসিতা

আজ যে বাংলা দেশে ভোগ-আড়ম্বরের ভীষণ তরঙ্গ উঠিয়াছে, এবং সেই উত্তাল তরঙ্গ দেখিতে . দেখিতে বাংলাকে ছাপাইয়া সৃমগ্র ভারতকে ডুবাইতে চলিয়াছে ; এটা বোধ হয় সকলেই স্বাকার করিবেন। এই ভাষণ আবর্তের মুখে পড়িয়া যে ভারত-বাসীকে কালের করাল গ্রাসে পতিত হইতে হইবে, তাহাও স্ফুটনিত।

আমাদের দেশের আয়ের পথ এত সঙ্কীর্ণ হইয়া পড়িয়াছে যে, দেশের ও দশের হিতসাধন করা দূরে থাকুক দিস দিন জীবিকা নিৰ্বাহ করা দুসাধ্য হইয়া উঠিতেছে। অথচ বঙ্গবাসী ভোগ ও আড়ম্বরের মুখে উন্মত্ত হইয়া কর্কট করিয়া বা নিজেদের বৈপতক